

卯三月五星聚奎○大教東被九百年矣
辰改開寶○遼景宗諱明記立于改年保寧

治十
五年

己二月十六長春節詔四海僧上表入幾庭

者賜載木號曰手表僧卒輔親王監司刺史各薦所知唯西街所薦是日入內

二

殿門下牒謂之簾前師號仍賜載木

辛未詔成都造金銀字佛經各一藏

初戊辰九月廿七勅

兵部侍郎劉熙古監造是年六月十一日勅再造金字經一藏

壬申詔雕佛經一藏

計三萬板○俟丁又遣陶毅

齊丘
下宋

若水釋遂以所悟聞于益益曰汝向後當爲國王師致祖道光大吾不如也自是諸方異唱古今玄鍵與之決擇不留微迹尋遊天台觀智者顥禪師遺跡若舊復與智者同姓時謂後身焉初止白沙吳越忠懿

治六

三

天台山德韶國師示寂師處州龍泉陳氏母夜夢白光觸體因而有娠及誕元多奇異年十五有梵僧勉令出家十七依本州龍歸寺落髮十八納戒於信州開尤後梁開平中遊方諸投子山見大同禪師發心

王以國王子刺台州嚮師之名延請問道師謂之曰他日爲霸主無忘佛恩後漢乾祐元年王嗣位遣使迎之申弟子禮有傳天台教義宗者屢懇于師曰智者之教年祀寢遠慮多散落今新羅國其本甚備自

非和尚慈力其熟能致之乎師於是聞于忠懿王王遣使及齋師書往彼繕寫備足而回迄今盛行於江南師於般若開堂說法十二會語具傳燈嘗有偈示衆曰通玄峰頂不是人間心外無法滿目青山開寶

幸未華頂四峰忽摧聲震若雷師曰吾非久矣明年六月大星殞于峰頂林木變白師乃示寂於蓮華峰叅問如常二十八日集衆言別跏趺而逝壽八十二臘六十五

後周恭帝崇訓卒

汝州風穴禪師示寂諱延沼僧行唐乾寧三年十二月生於餘杭劉氏少魁壘有英氣於書無所不觀然無經世意父兄強之仕一至京師即東歸從開元寺智恭律師剃髮受具游講肆玩法華玄義修止觀定慧

宿師爭下之棄去游名山謁越州鏡清忿禪師機語不契北游襄沔間寓止華嚴時僧守廓者自南院顯公所來華嚴升座曰若是臨濟德山高亭大愚鳥窠船子下兒孫不用如何若何便請單刀直入廓出衆

便喝華嚴亦喝廓又喝華嚴亦喝廓禮拜起指以顧衆曰這老漢一場敗缺喝一喝歸衆穴心奇之因結爲友遂默悟三玄旨要嘆曰臨濟用處如是耶廓使更見南院問曰入門須辯主端的請師分南院左拊

第六

四

其膝穴便喝院右拊其膝穴亦喝院曰左邊一拍且止右邊一拍作麼生穴云瞎院反取杖穴笑云盲加瞎棒倒奪打和尚去南院倚杖曰今日被黃面浙子鉢置穴云大似持鉢不得詐言不機院曰子到

此間乎曰是何言歟院曰好問汝曰亦不可放過便禮拜南院喜賜之坐問所與遊者何人對曰襄州與廓侍者同夏院曰親見作家穴於是俯就弟子之列從容承稟日聞智證南院曰汝乘願力來荷大法非

偶然也問曰汝聞臨濟將終時語不曰聞曰臨濟云誰知吾正法眼藏向這瞎驢邊滅却渠平生如師子見即殺人及其將死何故屈膝妥尾如此對曰密付將終全主即滅又問三聖如何亦無語乎曰親承入室之真子不同門外之遊人院領之又問四種料簡語料簡何法對曰凡語不滯凡情即墮聖解學者大病先聖哀之爲施方便如楔出楔曰如何是奪人不奪境曰新出紅爐金彈子邊破閻黎鏡面門又問如

日有問如何是第一句濟云三要印開朱點窄未容擬議主賓存穴隨聲便喝又曰如何是第二句濟云妙解豈容無著問漚和爭赴截流機穴云未問已前錯又問曰如何是第三句濟曰但看棚頭弄傀儡抽牽全藉裏頭人穴云明破即不堪於是南院以爲可以支臨濟幸不孤負興化先師所以付託之意穴依止六年乃辭去後唐長興二年至汝水見草屋數椽依山如逃亡人家問因父此何所田父曰古風穴寺

世以律居僧物故又歲饑衆棄之而去餘
佛像鼓鐘耳穴云我居之可乎田父曰可
穴入留止日乞村落夜然松脂單丁者七
年檀信爲新之成叢林僞晉天福二年州
牧聞其風盡禮致之上元日開法嗣南院

僞漢乾祐二年牧移守郢州穴又避寇往
依之牧館于郡齋冠平汝州有宋太師者
施第爲寶坊號新寺迎穴居焉法席冠天
下學者自遠而至升座曰先師曰欲得親
切莫將問來問會麼問在答處答在問處
雖然如是有時間不在答處答不在問處
汝若擬議老僧在汝腳根底大凡參學眼
目直湏臨機大用現前勿自拘於小節設
使言前薦得猶爲滯穀迷封句下精通未
免觸途狂見應是向來依他作鮮明昧兩

治六

六

岐與汝一切掃却直教箇箇如師子兒吒
呀地對衆證據哮吼一聲辟立千仞誰敢
正眼觀著觀著即瞎却渠眼又曰若立一
塵家國興盛野老顰頬不立一塵家國喪
亡野老安貼於此明得闍黎無分全是老

僧於此不明老僧即是闍黎闍黎與老僧
無別亦能悟却天下人亦能瞎却天下人
欲識闍黎麼拊其左膝曰這裏是欲識老
僧麼拊右膝曰遮裏是于時莫有善其機
者僞周廣順元年賜寺名廣惠二十有二

年以宋開寶六年癸酉八月旦登座說偈
曰道在乘時須濟物遠方來慕自騰騰他
年有叟情相似日日香烟夜夜燈至十五
日跏趺而化前一日手書別檀越閱世七
十有八坐五十有九夏有得法上首住汝

州首山念禪師

戊詔曹彬等征南唐○遼改乾亨

亥曹彬擒南唐主李煜歸封違命侯國除
杭州慧日永明智覺禪師示寂諱延壽餘
杭人姓王氏總角之歲歸心佛乘既冠不

治六

茹葷日唯一食持法華七行俱下纔六旬
悉能誦之感群羊跪聰年二十八爲華亭
鎮將屬翠岩永明大師遷止龍冊寺大關
玄化時吳越文穆王知師慕道乃從其志
放令出家禮翠岩爲師執勞供衆都亡身

宰衣不繒縷食無重味野蔬衣襦以遺朝
夕尋徃天台天柱峰九旬習定有鳥類尺
鷄巢于衣褶中既謁韶國師一見深器之
密授玄旨仍謂師曰汝與元帥有緣他日
大興佛事初徃明州雪竇山學侶臻湊師

上堂曰雪竇這裏迅瀑千尋不停纖粟奇
岩萬仞無立足處汝等諸人向什麼處進
步時有僧問雪竇一徑如何復踐師云步
步寒花結言言徹底冰建隆元年忠懿王
請住靈隱山新寺爲第一世明年復請住
永明大道場爲第二世衆盈二千僧問如
何是永明旨師曰更添香著曰謝師指示
曰且喜沒交涉師有偈曰欲識永明旨門
前一湖水日照光明生風來波浪起居永
明十五年度弟子千七百人開寶七年入
天台山度戒萬餘人常與七衆受菩薩戒
夜施鬼神食朝放諸生類六時散花行道
餘力念法華經一萬三千部著宗鏡錄一
百卷詩偈賦詠凡千萬言高麗國王覽師
言教遣使齋書叙弟子禮奉金縷袈裟狀

晶數珠金澡灌等彼國僧三十六人親承
印記歸國各化一方開寶八年乙亥十二
月二十六日辰時焚香告衆跏趺而逝壽
七十二臘四十二明年建塔于大慈山焉
宋太宗賜額曰壽寧禪院云

庚

八

天下大元帥吳越國王錢俶製宗鏡錄序
文曰詳夫域中之教三正君臣親父子厚
人倫儒吾之師也寐考寥考視聽無得自
微妙升虛無以止乎乘風馭景君得之則
善建不拔人得之則延貺無窮道儒之師
也四諦十二因緣三明八解脫時習不忘
日修以得一登果地永達真常釋道之宗
也惟此三教並自心修宗鏡錄者智覺禪
師所譔也總乎百卷包盡微言我佛金口
所宣盈乎海藏蓋亦提携後學師之智慧

辯才演暢萬法明了一心禪際河游慧間
雲布數而稱大莫能盡紀聊爲小序以頌
宣行云爾

宋左朝請郎尚書禮部員外郎護軍楊傑
撰宗鏡錄後序云諸佛真語以心爲宗衆

生信道以宗爲鑑衆生界即諸佛界因迷
而爲衆生諸佛心是衆生心因悟而成諸
佛心如明鑑萬象歷然佛與衆生其猶影
像涅槃生死俱是強名鑑體寂而常照鑑
光照而常寂心佛衆生三無差別國初吳

治六

九

越永明智覺壽禪師證最上乘了第一義
洞究教典深達禪宗稟奉律儀廣行利益
因讀楞伽經云佛語心爲宗乃製斯錄於
無疑中起疑無問中設問爲不請友真大
導師擲龍宮之寶均施群生徹祖門之關

普容來者舉目而視有欲皆充信手而拈有疾皆愈蕩滌邪見指歸妙源所謂舉一心爲宗照萬法爲鑑矣若人以佛爲鑑則

知戒定慧爲諸善之宗人天聲聞緣覺菩薩如來由此而出一切善類莫不信受若

以衆生爲鑑則知貪嗔痴爲諸惡之宗修羅傍生地獄鬼趣由此而出一切惡類莫不畏憚善惡雖異其宗則同返鑑其心則知靈明湛寂廣大融通無爲無住無修無證無塵可染無垢可磨爲一切諸法之宗矣初吳越忠懿王字之秘于教藏至元豐中皇弟魏端獻王鏤板分施名藍四方學者罕遇其本元祐六夏遊東都法雲道場始見錢唐新本尤爲精詳乃吳人徐思恭請法涌禪師同永樂法真二三耆宿徧取

諸錄用三乘典籍賢聖教語校讀成就以廣流布其益甚博法涌知予喜閱是錄因請為序

子丙寅太宗初名匡義宣第三子初太祖陳橋

之變謀兄令軍不得剽虜生靈獲安至道三年三月崩于萬歲殿葬永熙陵壽五十九改太平興國

○詔僧尼復試經科

吳越忠懿王錢俶以國賓宋是年十

月日食之既

戊寅帝製新譯三藏聖教序賜天竺三藏法師

天息灾文曰大矣哉我佛之教也化道群

+

迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠總法網之紀綱演無際之正教拔四生之苦海譯三藏之秘言天地變化乎陰陽日月盈虧乎寒

暑大則說諸善惡細則比於河沙含識萬
端弗可盡述若窺像法如影隨形離六情
以長存歷千劫而可久須彌內藏於芥子
如來坦蕩於無邊達磨西來傳法東土宣
揚妙理順從指歸彼岸菩提愛河生滅用

行於五濁惡趣拯慧於三業途中經垂世
之無窮道無私而永泰雪山貝葉若銀臺
之耀日歲月烟蘿起香界之自遠巍巍罕
測杳杳難名所以道資十聖德被三賢至
道啓乎乾元衆妙生乎太易綜繁形類竅

鑿昏冥絕彼是非開茲蒙昧有西域法師
天息灾等常持四忍早悟三空翻貝葉之
真詮續人天之聖教芳猷重啓偶運當時
潤五聲於文章暢四始於風律堂堂容止
穆穆輝華曠劫而昏墊重明玄門昭顯軌

範而宏光妙法淨界騰音利益有情俱登
覺岸無所障礙救諸波羸冥昧慈悲汗漫
物表柔慢貪很啓迪昏愚演小乘則聲聞
合其儀論大乘則正覺立其性含靈悟而
蒙福感教缺而重興幻化迷途火宅深渝
癸

雖設其教不知者多善念生而福量潛臻惡
業興而勝緣皆墜調御四衆積行十方澍
華雨於金輪護恒河於玉闕有頂之風不
可壞無際之水不能漂澄寂湛然圓明清
潔之智慧性空無染實相解脫之因緣可

以離煩惱於心田可以得清涼於宇宙朕
慚非博學釋典微闇豈堪叙文以示來者
如摩螢燭火不足比於皎日將微蠡量海
豈能窮於深淵者哉

北漢降封彭城公○止僧科

沙門贊寧隨錢王歸明姓高氏其先渤海人唐天祐中生於吳興之德清金鵝別墅出家杭之祥符習南山律著述毘尼時人謂之律虎文學日茂聲望日隆武肅諸王公族咸慕重之署爲兩浙僧統賜號明義

宗文興國三年太宗聞其名召對滋福殿

延問彌日改賜通惠詔修大宋高僧傳三十卷及詔撰三教聖賢事跡一百卷初補

左街講經首座知西京教門事咸平初加

右街僧錄又著內典集一百五十卷外學

集四十九卷內翰王禹偁作文集序極其

贊美云至道二年示寂葬龍井塢焉

壬午舒州柯萼遇異僧於萬歲山以杖指松根使萼鑽之得瑞石篆文識聖朝國祚無疆萼進石于京師詔藏祕府○他日大士寶

誌降現禁中帝親聞緒言致祭鍾山賜號道林真覺菩薩○是年詔立譯經傳法院于東京如唐故事宰輔爲譯經潤文設官分職西天中印土惹爛陀羅國密林寺天息灾與法天施護譯經帝制前序詔普度

天下童行爲僧不限有司常制自即位至

是凡度一十七萬餘人

是年五月竄秦王廷美降涪陵縣公安局置房州上嘗以傳國意訪之趙普曰太祖已誤陛下豈容再誤耶廷美所以得罪則

普爲之也盧多遜在朝握權常短趙普普惡之遂入觀觀變奏多遜謂陛下萬年之後當以天下與魏王魏王當還秦王陛下不當立太子俱坐大逆免死放歸田里咸以爲寃秦王即太祖少子德芳也上遂南

遷二王尋殺之忽一日趙普見空有火一
團一羔羊轉運其上葬曰普之罪也須臾
光滅遂得疾命方士禱疾見烟焰中有朱
牌金字書云魏王廷美士謝曰普言非其
罪也有答之曰杜太后遺言丞相寫誓書

治失
十二
十一

藏之金櫃石室而首發多遜之獄致主上

殺一弟一姪安可謂之無罪俄而普薨

遼聖宗名隆緒即位改統和

甲申改雍熙○勅修泗洲塔○

十月詔隱士陳搏賜希夷先生

尋請歸華山

乙酉二月詔禁增置寺觀

丁亥益州青城香林院澄遠禪師示寂師生西

川漢州綿竹縣上官氏法嗣雲門偃禪師

初住西川瀘江縣迎祥寺天王院時謂水

精言僧問美味醍醐因甚變成毒藥曰導

江紙問見色便見心時如何曰適來什麼
處去來問心境俱亡時如何曰開眼坐睡
師復住香林僧問北斗裏藏身意旨如何
曰月似鑑方少雨多風問如何是室內一
燈曰三人證龜成鱉問如何是衲衣下事
曰臘月火燒山問大眾雲集請師施設曰
三不待兩問如何是學人時中事曰恰恰
如何是玄曰今日來明日去問如何是玄
中立曰長連牀上餘如傳燈

戊子改端拱○賜西夏李繼傳姓名趙保

編次贊盧僧統道士韓德純預焉

庚寅改淳化詔撰三教聖賢事跡參政蘇易簡

辛卯

南安

岩

尊

者

示寂

諱

自嚴

生

鄭氏

泉州

同安人也年十一棄家依建興卧像寺僧

契緣爲童子十七爲大僧游方至廬陵謁

西峰耆宿雲豁豁乃清涼智明禪師高弟

雲門嫡孫也太宗嘗詔至闕館於北御園
舍中習定義之懇之還山公依止五年密
契心法辭去渡懷仁江有蛟每爲行人害
公爲說偈誠之而蛟輒去過黃楊峽渴欲
飲會溪涸公以杖擿之而水得父老來聚

治六

古

觀合爪以爲神公遜去武平黃石岩多蛇
虎公止住而蛇虎可使令四遠聞之大驚
爭斂事之民以兩賜男女禱者隨其欲應
念而獲家畫其像飲食必祭隣寺僧死公
不知法當告官便自焚之吏追捕坐庭中

是時亦語去游南康槃古山先是西竺波
利尊者經始識曰却後當有白衣菩薩來
興此山公住三年而成叢林異跡甚著如
本傳所屬狀以聞詔佳之宰相王欽若大
參趙安仁已下皆獻詩公未嘗視置承塵
上而已淳化辛卯正月初六日集衆曰吾
野僧燒二法無差互菩提路不遙而字畫
險勁如擘窠大篆吏大怒以爲狂誕慢已
去僧伽黎牒日中既得釋因以布帽其首
而衣以白服公恨所說法聽者疑信半因

治六

上

首山念禪師萊州人生狄氏幼棄家得度
師

於南禪寺爲人簡重有精識行頭陀行日誦法華叢林畏敬之日以爲念法華至風穴隨衆作止無所參扣然終疑教外有別傳之法不言也風穴每念大仰有識臨濟一宗至風而止懼當之熟視坐下堪任法

道無如念者一日升座曰世尊以青蓮目頃迦葉正當是時且道箇什麼若言不說說又成埋沒先聖語未卒念便下去侍者進曰念法華無所言而去何也穴曰渠會也明日念與真上座俱詣方丈穴問真曰如何是世尊不說說真曰鶴鳩樹上鳴穴云汝作許多癡福何用乃顧念曰如何師曰動容揚古路不墮峭然機穴謂真曰何不看渠語又一日升座頑視大衆念便下穴即歸方丈自是聲名重諸方首山在

汝州城外荒遠處而念居之終身焉登其門者皆叢林精練衲子念必勘驗之留者纔二十餘輩天下稱法席之冠必指首山嘗問僧不從人薦得的事試道看僧便喝曰好好相借問惡發作麼僧又喝念曰今日放過即不可僧擬議念喝之嘗謂衆曰佛法無多子只是汝輩自信不及若能自信千聖出頭來無柰汝何何故爲向汝面前無開口處只爲汝自信不及向外馳求所以到這裏假如便是釋迦佛也與汝三十

卷六
十棒然雖如是初機後學憑箇什麼道理且問汝輩還得與麼也未良久云若得與麼方名了事嘗作綱宗偈曰咄哉拙郎君巧妙無人識打破鳳林關穿靴水上立咄哉巧女兒擯梭不解織看他聞鷄人水牛

也不識淳化三年十二月初四日留僧過歲作偈曰吾今年邁六十七老病相依且過日今朝記取明年事明年記著今年日至次年十二月初四日升座辭衆曰諸子謾波波過却幾恒河觀音指彌勒文殊不

柰何良久曰白銀世界金色身情與無情

共一真明暗盡時都不照日輪午後示全

身日午後泊然而化塔于首山嫡嗣汾陽

昭禪師餘如本傳

未改至道御制泐藏佺等○六月限僧尼額

戊真宗恒以軒轅爲聖祖目曰吳天玉皇上

帝追封孔子曰至聖文宣王壽五十五崩于延慶殿

改年咸平

帝製繼聖教序賜天竺三藏朝散大夫試

光祿卿明教大師法賢其辭曰高明肇分

三辰方乃序其始厚載初定萬彙於以發

平端清濁之體既彰善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊

皆空現乃真容則一毫圓滿廣大之教豈能繼述者哉伏覩太宗皇帝法性周圓仁慈普布化蠻貊則萬邦輻湊濟烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪

知法界之恢宏行精進而攝懈怠乃擇其邃宇校彼真文命天竺之高僧譯貝多之佛語象管翻成於金字珠編復置於琅璫龍宮之聖藻惟新鶯嶺之苾芻仰嘆繇是三乘共貫四諦同圓盡苦空真正之言顯

秘密研精之義讚相乎實相論空空乎
盡空華嚴之理合軌轍金仙之教同規矩
朕纘嗣丕構恭臨寶圖常翼翼以撫兆民
每兢兢而守先訓以至釋典猶未精詳源
其幽深曷能探測有譯經西域僧法賢奏

章懇切致意專勤以先皇帝大闡真風高
傳佛日興前王之隆典振覺路之頽綱欲
旌天造之功庸用廣聖文之述作請予製
序繼聖教焉自聖考上仙追號罔極息政
事之外何暇經心今已禫除思臻微興雖

幼承慈訓柰夙乏通才焉窮乎法海之津
涯莫造乎空門之間域畧敷大意以徇輿
情蹄涔不足擬浴日之波尺筆豈能量冥
天之影聊述短序以紀聖功者焉

庚子年
改景德○東吳僧道源續開平以來宗師

清方

六

機緣統集寶林聖胄等傳爲傳燈錄三十卷詣闕進呈帝覽之嘉賞勅翰林楊億等刊正并撰序頒行天下

億等刊正并撰序頒行天下

申戌改大中祥符○六月天書降太
山○十月東封
己酉詔諸路置天慶觀○先是楊礪充襄王府
記室舍夢至一大殿

上真人服王名號見已名居南向，有案
示之。因請示此天尊異日。
吾及去四旬，見襄十。

遼改開泰復號大契丹

甲 天竺三藏施法護譯佛吉祥等經二百餘卷
乙 詔道釋藏經互相毀者刪去樞密王欽若
以化胡經乃古聖遺跡不可削○又詔
王欽若詳定羅天醮儀一十卷頒行

丁改天禧○禁民棄父母而爲僧道

王欽若詳定羅天醮儀一十卷頒行

巳未 帝於九月大會道釋于大安殿凡萬三千餘人先是建齊醮上

親賜以銀樂大錢

壬戌 改乾興二月上崩○遼改年太平

杭州孤山智圓法師卒字無外自號中庸子或稱潛夫生錢唐徐氏父母令入空門

清矣

八歲受具二十一聞奉先源清師傳天台

三觀之旨問辯凡二年而清歿遂居西湖孤山學者歸之如市與處士林和靖鳥隣友王欽若出撫錢唐慈雲遣使邀師同迓之圓笑謂使者曰錢唐境上且駐却一僧

圓早癱瘓疾故又號病夫講道吟哦未嘗倦預戒門人曰吾歿後母厚葬以罪我母建塔以誣我母謁有位求銘以虛美我宜以陶器二合而瘞之立石志名字年月而已及亡門人如所戒斂所居岩以藏之不

屋而壇時乾興元年二月十七也壽四十有七後十五年積雨山頽門人開視陶器肉身不壞爪髮俱長脣微開露齒若珂貝乃更襲新衣屑衆香散其上而重瘞之崇寧三年賜謚法惠大師其所撰述般若經

遺教經疏各二卷瑞應經不思議法門經無量義經普賢行法經彌陀經等疏及四十二章經注各一卷首楞嚴經疏十卷又撰闡義鈔三卷釋請觀音疏索隱記四卷釋光明句刊正記釋觀經疏表徵記一卷釋光明玄垂裕記十

卷釋淨名發源機要記二卷釋涅槃疏百非鈔一卷釋涅槃疏金剛身品百非之美三德指歸二十卷釋金剛疏顯性錄四卷據華鈔二卷釋金剛疏西資鈔一卷詒謀鈔一卷釋圭益蘭益疏谷響鈔五卷釋自造折重鈔一卷釋自造心經疏文殊般若鈔

佛祖歷代通載卷第二十六

卷

手

音釋

忿 方俱切 沔 浿善切 木 妥 湯果切
也 悅也 沢也 郡也 初 救
寒 宙康切 橋乃豆切 本 名 廉也 坐也
入 水也 橋可染也 足 切 竹足也 切
也 斫竹也 切 砍也 切

災 古追切 佛 齒陵切 邊 初
也 遵也 佛與釋同 漢初教

十一卷 詩文誰著 正義一卷 釋十不閑居編二門 十一不閑居編五
贊云

若疏大論有
云折重令輕

皆假道適情爲法行化之傍